



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ ՇԻՐԱԿԻ ՄԱՐԶԻ ԱՐԹԻԿ ՀԱՄԱՅՆՔԻ ՂԵԿԱՎԱՐ

Հայաստանի Հանրապետության Շիրակի մարզ, Արթիկի համայնքապետարան, ք. Արթիկ, Ազատության հրապարակ 1, հեռ. 374 244 52021, էլ. փոստ՝ artik.shirak@mta.gov.am, artikmun@mail.ru, ինտ. կայք՝ www.artik.am

Ո Ր Ո Շ ՈՒ Մ

14 դեկտեմբերի 2022 թվականի N 1057-Ա

ԱՆՀԱՏ ՁԵՌՆԱՐԿԱՏԵՐ ՎԱՐԴԱՆ ԱՍՏՈՅԱՆԻՆ ՎԱՐՉԱԿԱՆ ԻՐԱՎԱՆԱԽՏՈՒՄՆԵՐԻ
ՎԵՐԱԲԵՐՅԱԼ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՕՐԵՆՍՊՐՔԻ 154-ՐԴ ՀՈԴՎԱԾԻ 3-ՐԴ ՄԱՍՈՎ
ՆԱԽԱՏԵՍՎԱԾ ԱՐԱՐՔ ԿԱՏԱՐԵԼՈՒ ՀԱՄԱՐ ՎԱՐՉԱԿԱՆ ՊԱՏԱՍԽԱՆԱՏՎՈՒԹՅԱՆ ԵՆԹԱՐԿԵԼՈՒ
ՄԱՍԻՆ

Անհատ ձեռնարկատեր Վարդան Աստոյանի նկատմամբ «Վարչարարության հիմունքների և վարչական վարույթի մասին» Հայաստանի Հանրապետության օրենքով սահմանված կարգով «Վարչական իրավախախտումների վերաբերյալ» Հայաստանի Հանրապետության օրենսգրքի 154-րդ հոդվածի 3-րդ մասով նախատեսված արարքի կատարման համար հարուցված և իրականացված վարչական վարույթի ընթացքում գործի փաստական հանգամանքների բազմակողմանի, լրիվ և օբյեկտիվ քննության արդյունքում վարչական մարմինը պարզեց հետևյալը.

Անհատ ձեռնարկատեր Վարդան Աստոյանը /հարկ վճարողի հաշվառման համար՝ 61707268/ Հայաստանի Հանրապետության Շիրակի մարզ, Արթիկ համայնքի, Անկախության 25 հասցեի հարևանությամբ գտնվող համայնքապատկան հողամասում, առանց համապատասխան թույլտվության տեղադրել է 3քմ մակերեսով ոչ հիմնական շինություն: Կատարված արարքի կապակցությամբ Հայաստանի Հանրապետության Շիրակի մարզի Արթիկի համայնքապետարանի աշխատակազմի քաղաքաշինության և հողաշինության բաժնի պետ Արկադի Դավիթի Գրիգորյանի, նույն բաժնի գլխավոր մասնագետ Սերգեյ Գեղամի Ալեքյանի և առաջատար մասնագետ Գուրգեն Լևիկի Ասատրյանի կողմից 2022թվականի նոյեմբերի 17-ին կազմվել է վարչական իրավախախտման վերաբերյալ արձանագրություն՝ վարչական իրավախախտումների վերաբերյալ Հայաստանի Հանրապետության օրենսգրքի 154-րդ հոդվածի 3-րդ մասով նախատեսված արարք կատարելու հիմքով:

Կազմված արձանագրության հիման վրա 2022 թվականի նոյեմբերի 17-ին «Վարչարարության հիմունքների և վարչական վարույթի մասին» Հայաստանի Հանրապետության օրենքի 30-րդ հոդվածի 1-ին մասի „բ“ ենթակետի հիմքով հարուցվել է վարչական վարույթ՝ «Վարչական իրավախախտումների վերաբերյալ» Հայաստանի Հանրապետության օրենսգրքի 154-րդ հոդվածի 3-րդ մասով նախատեսված արարքի կատարման համար անհատ ձեռնարկատեր Վարդան Աստոյանին վարչական պատասխանատվության ենթարկելու հարցի քննության նպատակով: Վարչական վարույթի լուծմանը հրավիրվել են 2022թվականի դեկտեմբերի 14-ին, որի վերաբերյալ անհատ ձեռնարկատեր Վարդան Աստոյանը պատշաճ ծանուցվել է, սակայն չի ներկայացել: Լուծմանն անցկացվել են իրավախախտում կատարած անձի բացակայությամբ:

Ելնելով վերոգրյալից և ղեկավարվելով «Տեղական ինքնակառավարման մասին» Հայաստանի հանրապետության օրենքի 35-րդ հոդվածի 1-ին մասի 24-րդ և 26-րդ կետերով, «Վարչարարության հիմունքների և վարչական վարույթի մասին» Հայաստանի Հանրապետության օրենքի 55-րդ հոդվածի պահանջներով՝

ՈՐՈՇՈՒՄ ԵՄ

1. Անհատ ձեռնարկատեր Վարդան Աստոյանին վարչական իրավախախտումների վերաբերյալ Հայաստանի Հանրապետության օրենսգրքի 154-րդ հոդվածի 3-րդ մասով նախատեսված արարք կատարելու համար ենթարկել վարչական պատասխանատվության: Նշանակել տուգանք 1500.000 /մեկ միլիոն հինգ հարյուր հազար/ Հայաստանի Հանրապետության դրամի չափով:
2. Սույն որոշման մասին օրենքով սահմանված կարգով իրազեկել անհատ ձեռնարկատեր Վարդան Աստոյանին:
3. Տուգանքը վճարել սույն որոշումն ստանալուց հետո 15օրյա ժամկետում **900205101216** հաշվեհամարին:
4. Սույն որոշումն ուժի մեջ է մտնում «Վարչարարության հիմունքների և վարչական վարույթի մասին» Հայաստանի Հանրապետության օրենքի 59-րդ հոդվածով սահմանված կարգով իրազեկելուն հաջորդող օրվանից:
5. Սույն որոշումը կարող է բողոքարկվել «Վարչարարության հիմունքների և վարչական վարույթի մասին» Հայաստանի Հանրապետության օրենքի 70, 71 –րդ հոդվածներով սահմանված կարգով. վարչական կարգով ուժի մեջ մտնելու օրվանից 2ամսվա ընթացքում կամ դատական կարգով:
6. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման Հայաստանի Հանրապետության Արդարադատության նախարարության դատական ակտերի հարկադիր կատարման ծառայություն:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՇՐՈՎԿԻ ՄԱՐԶԻ
ԱՐԹՐԿ ՀԱՄԱՅՆՔԻ ՂԵԿԱԿԱՐ՝

Արթիկ համայնք,
2022թվական դեկտեմբերի 14



Ա. ՈՍԿԱՆՅԱՆ